


啟雋函類函

四十七之八




漢書門			
二	一	一	一
二	一	一	一
四	八	四	四
冊	架	函	號
類	類	類	類

內閣文庫			
三	二	一	一
四	四	四	四
冊	冊	冊	冊
類	類	類	類

內閣文庫			
番號	漢	114	
冊數	43 ( 27 )		
函號	364	52	







啓雋近體卷四十七

類函五十九

東吳俞安期羨長彙編

上饒王嗣經曰常同輯

阜平朱常澐鳴生訂定

冬官部二  
上侍郎

上工部左右堂啓

明張應泰

北闕魏幾穆皇風于九列左魁璀璨朗卿月于雙懸  
特表雉工獨崇鴛序仰山斗之有日貢芹曝以無期  
聊藉陶匏敬煩行李恭惟某官生繇帝賚出翼皇猷  
酌大庀以調元重恢玉寓操洪鑪而冶世式鞏金甌



屬當乾握之維新乃坤貞而益勵成風揮霍良工悉  
俸指般心不口經營妙運兼蕭規曹畫其捧漏卮而  
博暢藉盈缶以將忱得入郇厨品物八珍而並麗將  
同傳鼎鹽梅五味以均和

上工部左堂啓

明喻世卿

渙寵真儒升貳起部漢著作之庭久稱載筆虞共工  
之職茲實掄材社稷增崇中外咸慶恭惟其官氣直  
而溫才弘以毅稟扶輿之蔚積人仰鍾靈紹正大之  
真傳天使衛道進參玄武之司適應適人之徇徒得  
君重俾若予工主持漕輓之權方大潤澤而延國命

紀綱繕修之政不作淫巧以蕩上心且獻可替否之  
相先匪飭材程匠之是競掌邦土時地利暫煩少常  
伯之司和鼎實替化原行踐中書令之考其承乏無  
庸於末技受成有藉於主簿錚谷學操佇俟於門矩  
獲鉛刀欲割先從歐冶甄陶帡幪廣矣指麾及之

上工部萬侍郎啓

林下

明李國祥

玄武晨趨耀赤符以列棘遂初晚沐反素褐而懸車  
卿雲繫望於蒼生英瑋標竒於墨客多留朝野興寄  
煙波恭惟其官德秀道風識周事變褰帷樹績掃空  
三晉之豺狼灑蕩澹災莫息一河之鶴鷁鶴鳴聲遠



居然紫殿之雄峰鴻舉才宏允矣皇家之喬木東山  
之臥不久北海之歸寧遲佇置貢玉之堂旋登解薛  
之履某里中後進慶領袖之有階宇內典刑歎皈依  
之無地乃緣官職之繫仍阻關山之遼遣書通心爰  
旌瞻仰于山斗發函鑒意是擬展覲於筆牋尚冀解  
褐入麟臺匹士躬承夫杖履佇俟折麻憑鴈足片言  
首納於鑪錘

上工部徐念吾侍郎啓

本官考滿

明李國祥

玄武升華飭五材而推髦碩烏衣兼憲程百工以就  
紀綱新秘掖於黃圖廻狂瀾於運道功垂社稷榮及

粉榆恭惟某官粹學淵回英姿山立識遠而韜之以  
晦才高而宅之以和手掬四溟散作毫端之風雨氣  
吞八極蟠為胸次之江山杜元凱之損益萬機于休  
烈之推轂多士洵可若於予工行進熙乎帝載某同  
鄉下品外吏凡流夙以雋範為觀型裊身有淑近以  
蘇天為覆庇奉職無尤倖奏薄效以三年竊覲最程  
而一命是在崔鮮孤寒之滯猶期魏貸細節之圓得  
受還職之恩併拜逮親之賜再造難答千載一逢用  
達閣人顛馳邸役徼汪海貸彼疏節祈層雲廣此休  
陰



Faded vertical text columns, likely bleed-through or very light ink.

候侍郎

候工部劉侍郎啓

明許以忠

玉鉉允調總屬冬曹之制玄圭載錫式嘉時叙之功  
垂紳香拂三台履曳聲蜚九陛星辰動色寰宇騰歡  
恭惟某官德門瀛海相業巖廊棧奎壁以擢華自是  
漢家歆向奏麓塤而鳴盛寧誇陸氏機雲勲歷著於  
旂常位擬登於揆宅帝咨疇若顯畀以汝工公論咸  
推端居乎卿貳黜巧伎竒淫之惑主樽節皆真順山  
林川澤以宜民經綸盡妙龜圖恢鼎盛平成福造於  
萬方鼇足奠坤維底定歌興於四海蓋司空先伯禹



時雍資斟酌之權將宰相拜栖筠歲紀倚平章之烈  
其猥惟非劣辱在甄陶四載郎潛惠藉依劉之庇一  
麾外遣彌懷報魏之私跡雖遠於長安神切馳於光  
範抵任纔經匝月循規竟免朝天犬馬舊負無自叩  
三台而請誨羽鱗便使有緣將一刺以候閣伏冀尊  
慈俯原卑悃

候林右司空啓

明金 璋

惟明克允方賴天下之平疇若予工爰熙地中之載  
寵特班于宏父職尤稱乎長孫六府稟程百官成質  
恭惟某官碧堂珍從麗納真人倚峻閣于烏山重重

特起樹焚庸於赤縣在在繫思出則文章政事攸宗  
入則伯罔咎繇並駕似茲標首俾介厥司乃者精衛  
無功舳艫戒備孰導河伯以安瀾而措石犀水龍于  
永奠六材已飭三殿未興孰恢鄭侯之壯畫而與麒  
麟鳩鵲于維新况竒衰淫巧之競趨既難杜塞適杼  
柚公私之交困又費調停公惟實事指陳帝迺御書  
面授昔者楊龜山入對尋命侍講兼官李貞一貳工  
魁然宰衡負望然則衣冠之華選便為袞繡之聯階  
奚俟趣裝直須視曆某本罷駑其質謬叨臯樂之知  
顧短綆難以汲深即長裾寧堪曳久所賴盼睐成飾



終留念于遺簪塊土爲恩育豐肌于朽骨則曩日苦心無恨而今茲佳境可臻矣

候李少司空啓

明林世吉

元老壯猷夙聳具瞻于北闕司空宅揆特咨定弼于南畿惟精忠簡在乎楓陛故新渥特頒乎蒲帛恭惟某官望重三朝道尊一代萃扶輿五百年之間氣挺名世以匡時闢貞元數千載之靈符應昌期而翊聖文章昭琬琰峙山斗于儒林素節砥羔羊揭模楷于朝宁秉銓衡而啓事題才蜚藻鑑之聲持繡斧以觀風防憲茂蘭臺之譽顧當宁雖隆乎眷畀而素心常

慕夫恬修擁節鉞而秉金符開府方資乎建纛戀煙霞而思丹壑抗章旋乞乎明農棠蔭播湖湘雅望益高乎獨座芝泥賁廊廟殊恩復渙乎層霄謂留都重地必咨耆德以綏猷曰起部崇班特簡名儒而亮采陳謨螭陛啓沃悉崇儉之冊箴熙載鳩曹條奏盡保邦之石畫想總六職程百工邦土用資乎永賴踐三台爨五緯阿衡佇畀以調元某緣先尚書之交誼謬繩附于通家荷大君子之提撕幸龍攀乎奕世柰因雲泥之勢隔遂俾魚雁之音踈每繹誦乎鴻私常感銘乎烏愛茲玃忱于竹素敬申候乎縈霄曷任巖瞻統祈



電燭

燮五穀同濟寧異以臨示其慈去尚書之文當燭  
之曰書味蠶六鄰野日工泐土用資乎永艱翅三台  
刺驚醜對啓天悉崇愈之冊為烈輝賦新去盡新  
此必容著無以絲糟曰跋清崇班卦簡以需而京承  
高平斷聖芝臥貫洞閣秘恩對與平曾書請留儲重  
靈而思世殊其革或了平即豐崇新斷賦賦其望益  
慕夫剖劄難唯而乘金符開帙之資平數壽壽壽

迎侍郎

迎撫臺內轉少司空啓

明史鴻修

星亞三台寵綽渙頒平木鳳風高八座崇階晉貳於  
鳴鳩朝采欽承帝工允若恭惟其官神秀昂霄瑩輝  
鏡月清規遠徹皎挂影于一天玄鑑虛凝穆松風于  
八表勛業久誇韓范聲華直邁臯夔粵茲畿輔之區  
實繫咽喉之重念蒼生方罹鮒轍發命雖矯制無虞  
思醜類未革狼心先事見徹桑有備億兆在春臺之  
上廟堂貽磐石之安知精忠久簡帝心遂特召爰求  
國老飭五材而綜庶務少司空之秩望彌崇率二日



以時百工聖天子之倚毗方切矧當國步艱難之日  
尤屬宸衷宵旰之辰衢室合宮經營未已鬲津匏子  
决塞靡常洪流汗漫乎園陵正值人窮天變百物凋  
殘于土木誰憐財盡力疲不有非常特達之英曷挽  
極重難旋之勢故從一時輿望特藉三代遺才海宇  
心傾識太平之有象眷神色慶知世道之無憂其質  
類皆窳幸見容于陶植學慙糟粕徒貽笑于斷輪欣  
瞻綸命之榮有懷激烈翹企旌于之邇無路躋攀謹  
申蕪牘於前旄少暴芹私于勸駕慰帝眷于黃宸願  
蚤正台階之席樹王狀于青縣期旋敷斗杓之功

賀司官初任

賀工部劉郎中啓

宋方岳

錫命明廷爲郎起部玉階奏事口含雞舌之香粉署  
呈材身沐龍光之寵斯文幸甚吾國庶幾恭惟其官  
稟三陽之純受六學之正曾庭聞禮皆系麻穀粟之  
言廬阜分符承禮樂詩書之澤物格理至言傳天通  
以曩時民牧之周旋兆今日冬官之副介虞廷分命  
疇若予工周室建官俾帥其屬權輿大任扶國是以  
興邦遭際聖明闡席珍而報主其園故步踴躍新  
觀在冷在鈞幸不爲化工之棄物爲榘爲棟願終歸



匠石之掄材燕賀惟深魚緘莫爲

代賀鄒虞部啓

陸刑部卽  
轉工部

明李國卿

譽隆尺五欣瞻一德泰交運際半千游荷九重勅命  
清時異數曠代殊榮恭惟某官瑞世人龍儀庭靈鳳  
秀儲碧水紹文敏以開祥武布青雲早挺之而作牧  
澤灑江河之潤四境含飴人興袴襦之謠萬家禔福  
爰參棘路式讞竹刑雪彼盆冤淑問齊聲往詰空其  
鑑照好生益輦熙朝望日峻于斗杓眷愈倦于黼陛  
甫晉秋臺之秩復躋玄武之班柱世宏材暫倚紀綱  
繕政調羹巨手行資燮理台階某濫竽民社密邇典  
型登郭泰仙舟有逾晝接飫景文珠咳無異春風敷



睹鶯遷可任得輿之慶允懷燕喜敬摠賀屢之私雖  
蹟藻載陳媿乏玄黃稠疊而潢汗河酌尚期溟渤兼  
收

代賀劉工部啓

明陳价夫

九重簡在郎曹分水部之榮百里聲馳主爵陟含香  
之選寵恩既渥聞望斯隆喜切蝸濡虔修燕賀恭惟  
某官令猷驚世卓識絕人鶴唳九臯聲聞帝座鳳翔  
千仞集必虞庭爰超庶尹之階晉列司空之屬蓋杜  
甫曾為工部名著文章維伯益實掌虞官利興山澤  
外賤亦并培生色真乃為國家深慶得人其窮

髮編城逃虛曲士么膺小草醫師備品而見收壘  
散樗匠石低頭而不顧操牛刀而謾試學步東丘執  
豹管以旁窺望洋北海遙瞻驥足何其奔逸絕塵自  
笑鰲潛未免蹶泥滅跼伏願吉人天祐盛業日新睿  
藻煌煌益懋康侯之錫馬綿袍戀上毋忘貢禹之彈  
冠仰祝台禧敬申下款

賀吳工部啓

明蔡復一

地利通蜀雪消歌春水之來星使從燕雲至借冬官  
之重氣臨關以占紫波接澧而流清其官若工繼垂  
博物推札國與商而並利雅需廉惠之賢人得地以



左傳卷四十一  
相輝特界江山之勝控三巴連吳會萬里餘艤若歸  
攬七澤賦子虛千秋不律在握津頭輕稅估客狎石  
尤之風署裏讀騷大夫唱郢都之雪有碑在口惟水  
如心方言既就於輜軒啓事宜司於衡鑑某識荊州  
之面不羨封侯馳蘭浦之思猶羈守部有滾倒徒仰  
仲宣之登樓空抱焦琴遇延陵之審樂投桃報李瓊  
瑤良愧於風人贈帶獻衣綰紵聊追於雅事

賀中河分司啓

明徐榛

恭惟某官德鳳開祥文龍協瑞應期名世快萬里之  
風雲翊主宣猷沛九寰之霖雨誇大振于鳩司粉署

特分于徐土潢流南下宛三峽之建鏜回艦中騰  
千鈞之引綫惟茲大川之劇任必需舟楫之弘才智  
行無事不爭尺寸以為功應妙圓神是豈尋常之可  
測元心活潑與呂梁之逝水同滌直節魏我並雲龍  
之孤峯比峭周廷秬鬯行酬疆理戎功虞室玄圭用  
答平成偉烈某學未窮源名慚集會勉效胼胝之綿  
力幸承荒度之芳規肅布芹私仰干鴻覽

賀金縣尊權南起部燕謝啓

明藍重

帝眷循良鳳詔新徵平貢玉人稱召杜鴻名久重乎  
南金才猷懋著于花封澤深雨露德政盛傳于楓陛



寵溢雲霄司空聯八座之尊起部飭五材之辨士民  
欣躍朝野歡騰恭惟其官具區發秀吳會鍾竒學窺  
二酉之菁華早樹詞林赤幟才揆六朝之麗藻夙雅  
文苑白眉使若予工僉謂公爲可任命司程匠微斯  
人其爲誰綱紀繕修之規經營正大之體誠豫養之  
素定固臨期以恢張者也牛刀初試欣聞六襪之絃  
歌驥足暫淹快覩三異之政績折獄明決有如撥霧  
以觀天撫字勤勞不憚披星而戴月恩隱周渥平墨  
客惠鮮廣被乎蒼生其枝愧蟲雕文慚鳥夢居徒壁  
立寧其原憲之貧行值途窮輒抱步兵之動讒成貝

錦豈知慈母動投杆之疑明徹羸益幸際仁侯與解  
網之念是以苟活曠矇之命頂若丘山願效蚩雀之  
私報乏珠璧望干旄之子子借寇無繇聽車牽之轡  
韓留寬未已伏願自南而北翊國祚于無疆以卑踰  
尊俾廟謨之永賴







雅申伯方自天申繪度關之圖老子更期難老

*[Faded bleed-through text from the reverse side of the page]*

賀司官端午

賀部使端午啓

明蔡復一

入荆而競渡之節倍覺有情懷人則浴蘭之芳勞思  
無數屈大夫可作楚巫發響九歌褚常侍何如習子  
寄粽一牘况使星彌光于南軫而化日正永于中天  
續命之絲縈諸艾佩宜男之粽侑以蒲樽筒折荷而  
可酬火燃榴而相燦土風已舊與衆人聊復同名物  
甚佳必賢者而後樂揚旌暫駐盡覽景地之妍持節  
遄歸行傳歲時之紀浮瓜沈李莫陪勝筵結蕙采菱  
敢薦雅供倘斐然涉江之賦願鑒此酌潦之心



賀張水部端午啓

明李國祥

竊惟風薰益右新承水部弘庥日永天中遙羨輜軒  
介福彩印既首標于蘭署白團宜躬獻乎金盤某值  
八阻疏泉輒脫身趨部仰企積場藿向陽之念薄將  
佐觴蒲避暑之需祝天壽于千齡不假五色絲之繫  
淨河氛于萬里無煩一羽扇之揮民賴平成盡闢歡  
于百草河潤膏澤允舞祠于千童垂存菲葑用昭芹  
曝

賀司官中秋

賀部使中秋啓

明蔡復一

白帝正秋素娥良夜梧影蕭蕭而轉浪桂香冉冉以  
侵衣神女弄珠恍三湘之可接仙人修鏡闌七寶其  
初圓水部清心冰壺不爽望郎逸氣彩筆長吟玉露  
千頃汪汪碧宇與虛懷同廓銀河萬斛炯炯練光共  
雅韻俱澄所以胡牀理詠欲登庾亮之樓皓魄入懷  
堪續謝莊之賦者也鴈鴻北至一聲秋水連天烏鵲  
南飛三匝寒枝繞樹照愁照樂在景迥殊可詠可觴  
惟賢有此晴輪不隔於千里嘉宴莫陪於一堂愧吟



草之蛩遙磨鶴鼓憑銜書之鯉往致息杯願言楚客  
鄢郢之遊毋替秦風蕪葭之采

*[Faint bleed-through text from the reverse side of the page]*

賀司官冬至

賀同官冬至啓

明謝肇制

陽隨律轉知天心來復之期履應端生政君子道亨  
之日况屬墳麓之末尤叨氣味之同心遂飛灰喜瞻  
懸壁恭惟某官璇璣合德亭毒爲功六琯初調温灑  
頓回於黍谷五紋漸永經綸倍絢於華蟲景運載新  
天和滋至某枯株朽質屈獲微身一命浮沈空切向  
榮之願五雲咫尺彌增就日之忱顧折禡以何能慙  
獻履之已後陽春有脚願宏嗟拂之仁休祉無垠更  
祝大來之慶



奇一頁已司... 天味茲至其計林林皆出類... 賦回外添谷正姝博永... 觀聖業其官... 之日... 期韻軒轉暖天心來對...

質同官冬至啓

明東介夫

上司官

上洪工部啓

明東介夫

為蘿無力生必依松... 土木虛受深恩恨踪跡之雲泥久睽鴻範銘心曷既... 戴德奚堪恭惟某官天朝柱石... 太冲之賦已成釜内魚生... 敝之區遠近皆知向化... 兼收莫挽輶車鄭國猶思... 賈生回憶當時謬叨一顧... 臺之鈴閣既造而措大之...



依劉與李膺舊屬通家期元龍別置卧榻茲當改歲  
政值端辰漕使南行敬致尺蹠之牘台光北仰敢徼  
空谷之音

通司官

通王泉使啓

按宋泉使今則工部鑄錢局司官

宋洪 适

帥閩疇庸冶臺陟寵行行且止而避御史威望素高  
皇皇者華而遣使臣利權增重八鸞蒞止百雉登觀  
恭惟其官氣直而剛學純且博垂大名于方冊之上  
殆四十年表清規于縉紳之間纔一二數入筵翔鴻  
之序進升莪豸之班當瀾倒之衝而定力不移有壁  
立之風而危言自信人方玩積薪之勢公獨爲曲突  
之謀發巨奸于閭不容穉之時制大變于危如累卵  
之勢盡奪群邪之氣復開衆正之塗雍齒且侯魯連



已去吾在汶上矣誰爲留行君薄淮陽邪不妨臥治  
方寬北顧又趣東來闡天地之藏于笑談運造化之  
功于掌握不勞笏畫自見錢流雖心計之長正難其  
人然風采之著寧久於此立九府之園法小施橐籥  
之功陳六符之泰階卽試陶鈞之手其自其獨冷共  
笑太清久矣獲從諸公之遊今焉幸際一世之望倘  
許執經而問難庶幾就道以漸摩江左之見夷吾何  
難富國汝南之有顏子正賴鑄人欽嚮惟多鋪張罔  
究

通林泉使啓

宋方岳

寶冶騰暉切仰韓文公之斗銅童課政有開蘇刺史  
之天可無傳鯉之書告以眠龜之日恭惟某官五鳳  
樓之巨筆九龍龔之大鏞繇孔壁汲冢先秦古書以  
來口授若決雲夢凡周誥殷盤莊騷太史所錄手抉  
以分天章要是道山神仙之流盡絕人間煙火之氣  
何至屈臨于園府聽其久去于方壺仰窺上心斷有  
深意謂朝廷惟山澤之利繫欲上足國而下足民惟  
君子知財貨之源能使輕權毋而重權子俗吏念不  
到此吾儒容可忽諸如其推鑄金以鑄人卽所謂範  
模而範世三節召矣一陶冶之其鹿鹿無竒魚魚自



守六題十二體故家之衣鉢猶存五車數萬言矮窓  
之燈火良苦迺鬱鬱而居此豈區區之所期粵自落  
南幾于敗北偶脫黃茅之瘴通班紫禁之雲竟分邑  
于山間如置身于井底飛尚方之鳥敢以研新而擾  
為有造化之爐毋曰鑛頑而棄去

候司官

候吳水部啓

明王德乾

恭惟其官名著墨池才高琴水掄魁南甸則風雅相  
宣應宿西湖則循良獨茂首藩首邑器已别于盤根  
我理我疆刃定遊乎餘地遂睠毛公之畧煩有伯禹  
之勞暫借民鳩綜水衡于惚劇即看士鵠陟金鏡于  
清華其榜部雙同居遊兩近芳蘭共事正誇拙吏之  
緣喬木孤遷忽動登仙之美迨別賦能先于賀燕而  
緘酬實後于歌驪音將跡以俱遙罪擢髮而難數意  
者亮衝途賴性何拘來往之間在異地知心本契形



骸之外固隆施而匪報還永好以為期幸勤日月之  
扶擎勿斲雲霄之記憶

候聶工部司稅啓

揚州關

明許以忠

卿月照燕山夙著台衡之望使星臨浙水暫隆權政  
之司龍握新綸榮分舊治恭惟某官嶺表奇才朝端  
碩望版圖歸主計澤流湧地之金錢制度構王基才  
莫擎天之玉柱眷深螭陛借重虎林惠旅通商萬里  
恩波流水國奉公約已一簾清氣映冰壺行釋壽筵  
之煩坐贊鼎鉉之業凡忭懽所及悉顙祝常勤其自  
分蠹材謬承鴻造欽聞簡命喜鄰斗極以依先拙守  
蓬居未叩台閣而展賀及今瓜及尚缺芹將遙瞻畫  
戟以皈依敬尤朱提而附候雖太陽不迴光于葵藿  
乃傾向自殷願大海容納乎涓流而朝宗始慰伏惟  
台照俯登塵棕

候歐陽水部公權龍江關啓

明諸葛昇

華升雉省明廷均聽履于文昌節按龍關新詔重持  
籌于玄武懸憶每瞻卿月揚眉更羨使星燕喜情長  
魚鱗愧後恭惟某官承天柱石挈國舟航學有淵源  
倒彭蠡建瓴之勢事無盤錯倚豐城出匣之鋒帝里  
育菁莪雅標三絕男邦濡惠露譽起十奇爰簡丹宸



晉班粉署杜巧淫而程匠黜阿枉以利民念西北飛  
輓方殷莫如紓其物力嗟東南轉輸彌急政少藉于  
研思疇若予工萬里恩波流日夜謨咨爾后九重眷  
注上星辰茲特借途佇登要路其自憐卑地維景高  
山道左挹蘭馨徒興歌于杖杜雲間飛寶刻罔擬報  
于瑤瓊方整夙悰側聞新命獻從其野幸垂鑒將意  
之誠喜極於狂更不覺發言之拙統希原亮曷勝瞻  
馳

候司稅郭主政啓

抗州關

明許以忠

虎林司權暫煩籌算之謨鳳闈宣麻佇掌絲綸之秘

預卜新除而交慶俾同吉者以增輝恭惟某官青齊  
人瑞紫閣仙標相門聯孔聖之鄉獨得淵源道脉郭  
泰為人倫之表重光闕闕家風正逢名世昌期出輔  
清朝景運克副虞廷顧問遂聯伯禹清班時叙帝工  
萬國爭趨其模範監臨商稅四方願出其關津具稱  
冰蘖之清操盡祝鈞衡之早握某自慙弗類謬附同  
曹安道才疎補郡備從無簪汾陽德懋封侯底事不  
龜此雖才質宜然頓覺品階判矣望長安日遠心隨  
葵藿常傾值韓圃秋殘身比籬花更瘦茲成一函之  
濡削恭候八座之興居伏冀鑑存實深銘刻



候工部通用啓

明許以忠

帝工允若格天聯一德之交相度顯昂指日應三台  
之拜瑞氣已騰于維正歡聲交頌乎鴻儀恭惟其官  
忠隆天鑒才壯皇猷星斗填胸濬發文章之妙風雲  
觀步歸登甲第之名殊勛歷著於明廷晉秩旋躋於  
起部密頒書檄出納居喉舌之司權攬冬曹伎巧陋  
元成之世運經綸於心上周室毛公議制度於朝端  
虞廷伯禹飭百工而濟治既稱庶績之咸熙掌三事  
以調元固不崇朝之異數也

候馬水部啓

官河

明連繼芳

玉龍協瑞芳聲八振于鳩司金鳳開祥粉署特分于  
鼇嶼聯均八座地逼四隣恭惟其官駿岳鍾神熊湘  
溥學江淮當襟領之與任專保障雄雄舳艫關軍國  
之需才擅濟川浩浩高梁石堰歲登原隰千倉甓社  
金隄永奠東南半壁揚平成之禹烈虞廷擬錫玄圭  
頌疆理之召功周室允釐秬鬯夙資河潤雅切巖瞻  
玩夜水之神珠已咲孫莘翁差讀望高臺之明月更  
羨秦少游雄文直節魏峩元心活潑其飲河鼉腹測  
海豨眸憲度汪汪包細流而含垢洪恩蕩蕩擴渥澤  
以回枯筴寄草苗願加餐于尺素芹杼展蟻冀少鑒



于寸丹

候工部翁湛源啓

原任父母

明樊王家

惠流南國瑞麟東吳雙鳧起珠海之濱人思雨露一  
 鳳振金陵之麓身近雲霄四海欣瞻百工信度恭惟  
 某官越海標奇吳山挺秀二難蔚起芳名不讓機雲  
 三異升聞美政寧殊卓魯緬惟吾邑之彫敝實賴我  
 師之護持蓋當中使暴歛之時更值群盜縱橫之日  
 誰遏饑虎之噬活此枯魚孰令佩犢之雉化為馴雉  
 至乃刺蛟龍而斷犀兕寧帝日無全牛若夫先鸞鳳  
 而後鷹鷂信爾心同慈母爰入山公之啓特分水部

之司蓋當水衡之無現緡重以工作之靡寧日其間  
 料理允藉賢良帝是命以鳩僇人咸仰其宗匠寬一  
 分而受賜澤滿蕪城飭百度以維貞功高粉署今日  
 鳳凰臺上應尋六代之繁華他年鸚鵡班中佇荷九  
 重之眷注某甕繩朽質嶺海豎儒叨承宇下幘幪頂  
 戴如天之福更辱塵中盼睐心藏何日之忘念我師  
 精藻鑑以收群材拔之一朝誠欲儲之異日幸今者  
 列科名而酬知己待以國士敢復報以殺入此蓋私  
 心所自銘顧恐微軀之易躋力未操而使割能不取  
 傷玉必攻而後成願安承教簿書鞅掌無由縮遠地



以近台光竿牘荒涼尚冀納微塵而垂電炤

請司官

請葉毓華水部啓

明王德乾

綽約黃花叨玳筵而既醉玲瓏白露伸瓊報以何將  
祗乘爽氣清秋聊此介眉上壽恭惟某官先朝世德  
後學宗工聯駿金臺十翼二篇悉闡紀鳩水部五材  
九範皆宜蓋時事固曰多虞在冬曹左爲孔亟而公  
以伯禹毛公之畧和乾旋坤轉之才用使閭闔九重  
仍開壯構都城千里無慮復隍直過裴士禮之風流  
何啻王繕郎之清雅是以六官駢錫寵擎天上之恩  
二母齊封占斷人間之樂其服膺名製引領通材何



期八洞之遊獲侍九陽之宴肅消令日浮綠蟻于芳樽茂對清秋聽雕龍之雄辯預圖倒屣專候揚旌

請謝在杭水部啓

明林世吉

命世儒宗經天國手闕高玉樹象賢播奕葉芳華班峻金莖鴻藻登百僚領袖早彰茶于司李遂翻彩于懷蘭水操霜凝嫩羔羊于五紵天童雲爛昭琬琰于千秋佇瞻曳赤舄而上星辰旋見握璣衡而調霖雨近以鷄壇之夙雅幸聯鳳卜之新盟爰命靈氛肅諏元夕仰藉傳柑之令節敬儼泛栢之清歡奉紅葉甲而釘春盤張彩花燈而燃火樹候猶龍之紫氣倘駐青牛焚睡鴨之名香擬聆南鳥

謝吳工部啓

明蔡復一

采蘭浦而邇迴詎能忘九歌之句窮花源而深去乃更入二酉之山雖攬勝之彌新類投荒之漸遠已窮馬力悵如組以何施孰動鶯聲勞彈冠而有喜作柱方嘲於荷弱照乘忽漾于珠光念此量移實賴指南之庇從今離索預懷戰北之虞於焉見君子之心與其進也毋乃為故人之累退不謂之慚與佩俱報知施重謹將拜賜之悃藉為盥薦之孚黃雀未銜感餐花而詎酢驪駒將唱想折柳以無從深負桃李之三章聊歌棠華於兩地惟垂秋日照此暮雲



此處有非常模糊的墨迹，可能是被擦除或極度褪色的文字。

回答司官

答衛工部啓 榷關

明焦 竑

伏審言從朕地分治起曹屬祖帳之無何荷書郵而  
為好恭惟其官風規美劭器韻清醇鑿和隨動而有  
聲琮璧不雕而自貴出入侍從是宜顧問於燕閒通  
達古今雅已從容於雞橐乃得君重使若子工方上  
簡於舜咨輒遄臨於禹會匪但流錢地上欲倚重於  
名郎抑亦攬轡部中俾增華於膚使頃學邱弘開於  
東駕而書帷誤點以下材高帝子孫自是殊人之龍  
種梁王賓客豈徒授簡於兔園必成溫文恭敬之風



使知父子君臣之實顧心雖長而力短如功無補而愧多自惟追勉之難敢辱眷勤之况仰銜知與深切佩銘憶王司馬昔之巨公暨楊問卿時之碩士咸自權關而發軔旋皆柄政而濟時諒召用之非遙惟襟靈之善嗇其餘悃悃未易揆裁

答吳工部啓

荆州抽分

明蔡復一

糠粃之楮方負愧於鶻梁雲漢為章遽分華於鸞宇升翻疑墜寵果若驚恭惟其官秀世道風薰人德旭新詩傳水部擅雅譽於琳瑯博物擬寄深悰於縞帶凡溯澄江如練之水皆仰紫氣以知歸即依陵

陽辨璞之山亦最青霄而長價攀轅折草共喧估客之歌結佩紉蘭獨軫故人之想嘉其結綬贈以承筐正爾負簪綬之慚未知獲戾若為捲詩書之喜更飾過情鴻爪遺泥去住欲鳴寶劍鶯聲遷木投報難擬瓊華某誦屈正則之歌惟思公子按馬文淵之曲倍歎勞人使查負山莫釋曠官之懼以鼇戴嶠更銜知己之施感此誼高增其心悽

答吳工部謝壽啓

明蔡復一

受長生之籙夏樂方昌分靈壽之丹霞光忽爛桃來帶露新從青鳥之筵瓜去博瓊遠贈丹魚之素何期



病骨驟覺榮頰合藥抱蟾久羨吳剛之入月別名叫  
鼠空嘲蔡叟之如風小年不及大年豈蟬蛸能知於  
松鶴度身還思度世或鷄犬可附於笙鸞此其既佩  
德於刀圭彌結棕於縞帶者有人情莫不欲壽慚客  
奉萬年之酬使臣必諮於周思君歌六轡之雅證三  
生而無斃鑄五內以難忘

答施振菴正郎啓

明唐文燦

商丘散木固宜淪棄於道傍沙苑神駒乃槩放歸於  
野外信矣仕途之險嗟哉人世之艱同病相憐每懸  
爵抱暫離復合偶違良緣纔通名刺之投遂得音書  
之貺易暗詞而言賀非所敢承申契好以訂盟是惟  
敬諾適促程奔趨乎冗後姑附介轉致夫豐儀徒覺  
匆匆愈懷睽睽聞採藥之初謀稍輟諒握蘭之餘味  
猶存叙冬省而兼訪年家即擬戒期於暇日就雲津  
而早遊天闕更祈效用於清時

答范長白水部啓

明曾同亨

某品望最卑行能無取學不聞道忽及七袞之年志  
切接聞偶叨耳起之命進退無補久負乾坤齒髮徒  
存虛糜歲月拾遺簪於棄地謾被眷知驅駕足於長  
衢詎堪鞭策祗緣衰病直陳請老之私恭誦教言倍



切循墻之懼鳳臺牛渚第託興於夢思文水螺川終  
寄情於雲臥敬陳尺素用表寸衷蓋黔驢之技已窮  
無心出岫犬馬之齒日邁何敢妨賢嗣今惟砥德於  
暮齡庶幾酬知己之厚雅伏祈高明俯垂鑒諒

啓雋近體卷四十八

類函六十

東吳俞安期羨長彙編

上饒王嗣經日常同輯

吳郡胡梅白叔訂定

內臺部一

賀坐院初陞

賀孫中丞啓

宋王安石

光奉明恩進陞中憲伏惟慶慰恭惟中丞侍郎受天  
間氣爲世真儒力足以扶顛持危器足以致遠任重  
巍然如衣服之有冠冕卓爾若鳥魚之有鳳鯤三朝  
充諫諍之官奮身不顧七郡任藩宣之寄爲民所思



動靜不失其時遜逆必由諸道比支物望簡在上心  
粵白貳卿遂登執法嚴霜被野既知松栢之後凋猛  
獸居山將見藜藿之不采其叨持節鉞久遠門闌遙  
聽遷除不勝慶幸

賀侯中丞啓

宋趙德莊

顯膺帝制肅振朝綱輟從諫大夫之聯付以中執法  
之任得賢居要維衆同歡恭惟某官受才高明履行  
純固道無少貶有孟氏之責難言欲必行若晏嬰之  
獻可會逢熙旦服在近途當雷霆之至威補日月於  
無過各罄籍甚風烈挺然果繇衆正之開更賴一臺  
之理上以衡持於國是下焉繩糾於官邪說行如流  
母廢沃心之益義形於色潜消落膽之姦方隆九鼎  
之安佇席三槐之拜某遠銜明命久陰餘波鵬鷺橫  
秋但聳藩籬之望山林伏猛庶全藜藿之生永言欣  
愉實倍倫等

賀趙中丞啓

宋李廷忠

玉檢疏恩鐵冠總憲麟臺涉筆夜光分太乙之藜烏  
府鳴珂朝彩映上林之瑞伏延英而抗疏白簡霜飛  
待建極以調元青蒲風動狐城鼠社消邪佞之心謀  
竹院松廳增巖疑之氣象訓東觀第一人雅望分南



衙察百吏威權喜聽書郵悵違履幕粉榆葱鬱固知  
餘庇可依桃李粗疎猶懼不言而棄

賀朱中丞啓

由兵部轉

宋周必大

祇奉親除峻陞獨坐絳騶清道一時欣覲於曠儀白  
簡生風多士共觀于勁節恭惟某官性資誠慤局度  
方巖學窮六藝之源流文掃百家之繁輓自登朝列  
卽締主知操挺松筠歷三冬而不改質堅金石經百  
鍊而愈精已騰騎省之聲稱旋振烏臺之綱紀有猷  
必告無弊弗除果膺非次之恩遂應久虛之選執法  
在端門之右是亦假塗輔星明北斗之中卽聞秉政

其屬奉使華阻于賓謁正臣得位既如鷓鴣之在天  
善類歸心何畏豺狼之當道其爲欣懌實倍等夷

賀徐中丞啓

宋李 劉

龍光狎至豸列峻升儲望三槐之門進步五花之地  
榮持白璧威權獨壓南衙旋捧綠緹恩遇特高西省  
唐院式資廉察漢廷益重老成賢聖相逢喜巨鱗之  
縱壑姦邪不作知猛獸之在山猥屬守符莫陪賀履  
鷓鴣非衆禽之偶方此頡頏鷓鴣得一枝之安悉蒙  
庇護







棲遲自貢於丘園濡削不通於津要高風介操不易  
三公偉望英標益隆四海但魚水之投弗偶信龍雲  
之會有時頃者天欲平地朝綱聿啓豐亨之運上益  
明習國事丕揚乾斷之威誅姦惡斥王褒盡决决蒐  
顯忠良登俊又彙拔泰茅爰求巖下之偉魁遂及關  
西之耆舊賜環錫命驚華綉之自天曳履升華仰崇  
班於近日作礪作霖作舟楫行重仔有汝明汝聽汝  
異為坐光帝業是誠一代明良之遇非獨三秦河嶽  
之光某拾艾幽人臭蘭末契上帝資良弼喜符傳說  
之書聖主得賢臣擬獻王褒之頌雖出門步蹇未即  
登龍而賀履情深直同躍雀敢上無文之牘並申不  
腆之儀至於早命星軺俯慰寰區饑渴亟乘景運仰  
扶社稷金湯則方寸之至斲而咫尺所未罄者也肅  
俾奏賀臨楮傾瞻

賀李司寇擢總憲啓

明林世吉

北斗班崇九陞方聽乎曳履西臺秩峻百僚復仰乎  
我冠聲溢華夷慶貽宗社恭惟某官三朝舊德百代  
宗工峙簪笏之華嵩標人文之領袖秉銓天部猶稱  
啓事山濤開府齊封競頌芟棠召奭績懋隆于中外  
望雅重于巖廊惟簡在乎帝心遂游膺乎寵命以八



座而登三獨綸綍增輝由司寇而總中丞紀綱振肅  
表冠裳于紫極樹風裁于烏臺式占世道之亨益禪  
朝廷之重百辟欽承而歛衽四方欣忭以彈冠某誼  
忝通家材同蟠木門墻登進每叨汲引之私霄漢吹  
噓更賴曲成之德載頌木瓜而刻骨敬濡楮葉以狃  
忱感激徒懷揄揚莫罄伏願星符遙彩穹眷維新白  
簡霜飛栢府特資乎總憲黃麻日麗槐樞佇拜以調  
元

賀孫大中丞啓

明

帝制顯膺丕承中執法之任朝綱肅振允彰諫大夫

之名百辟騰歡四方稱慶恭惟某官望重元樞位參  
八座本星精而孕質依日角以揚光補袞楓宸五彩  
尚資黼黻建牙栢府六韜益茂經綸皂囊白筆臨臺  
權豪屏氣蒼佩青騶戒道臺閣生風秩比南衙總威  
稜于六察門開北面象肅殺于三冬漢推獨坐之雄  
冠峩鐵豸唐置盡彈之號柱倚銅龍大壯國維永扶  
皇極某緯蕭末品拾艾畸人典秩外藩數歲風觀德  
化揚綸中禁一朝斗仰恩光切聽鳳鳴敢同燕賀伏  
願金甌早覆麒麟殿上功名玉燭長調鸞鷲班中恭  
履昭回閭闔葱藟蓬萊



賀南贛軍門轉坐院啓

明支大綸

節鉞疑霜千里嵐氛汛掃班昭佩玉百僚憲度重新  
惟安攘殫專席之雄斯中外縮辟車之柄念自王文  
成削平橫水而世建上公暨彼韓襄毅芟薙大藤而  
晉陟圻父蓋國瑞疊鍾于江左肆雄圖屢振于虔南  
歷載邈矣遺躅巋然恭惟某官樞謨靖密風望顯昂  
符國是較若權衡察機宜響如著蔡碩德經文而緯  
武洪猷幹乾而維坤雅鎮狹期麻光丕著摧剛直枉  
諤諤清風虎視鷹揚煌煌環宿玉節崇而闔壤肅烟  
稜宵開金章擁而章貢清波濤畫靜坐理泰階楚楚

青衿絃誦折衝尊俎赳赳紫帽干城

賀冢宰趙公遷北掌院啓

明林世吉

鳳闕銜恩方藉鑑衡貞列辟烏臺注眷旋資耳目察  
群僚仰瞻耆德之屢遷益見宸衷之圖舊朝端有賴  
仕路自清恭惟某官聖代宗臣熙朝元宰精誠貫日  
月曾誅巨惡于先朝正直泣鬼神數被曠恩于穆廟  
迨承明聖益懋忠勤凜凜冰操繩清獻公之祖武休  
休海量紹真宰相之家聲豈應着屐東山卧煙霞而  
優游泉石合當垂紳北面沛霖雨以翊贊廟廊是爲  
四海公評非云一人私議果從人望蒲輪迎大老之



尊游錫王章栢府倚元公之重將見紀綱維百代正  
百官以正朝廷風采動一時肅各道以肅畿甸大欲  
清夷之治眼空當道豺狼力懲貪墨之風識遍四方  
鸞鳳察官邪持國是暫稱九月之霜調鼎實握台衡  
立望三春之澤某南徐下吏仰台階分隔雲霄東海  
庸儒詎里閑情聯桑梓欣逢先達寵固金甌快覩中  
台勲高玉燭莫罄揄揚之頌曷勝舞蹈之歡

代賀馬中丞啓

明李國祥

烏臺峻秩峩峩望重鐵冠蒼佩崇班凜凜威高蘭寺  
允躋三獨式逼八聯恭惟某官鐵面凌霜丹心貫日

列太微之法象應瑣掖之文星桓典按部乘駟權豪  
歛手傳玄整襟捧薦臺閣飛聲鑄金鼎以圖效不難  
調鼎察玉衡而齊政然後保衡立螭批徑寸之鱗回  
天有力指鹿斥立伏之馬偃月生疑化秉神羊難置  
豺狼而不問威如獨鵠尤關龍象之共觀涓涓涇天下  
是非龜鏡國家治亂某魚魚涸轍鹿鹿窮途綠水笑  
容堪笑婆娑於幕府青春桃李更期培植於巖廊敬  
布鸞箋肅將燕賀望雲申悃祈電丙融

賀大中丞亦齋温公啓

明馬 朴

南臺總憲避車望絕于群僚北闕宣綸弄印分榮于



副相萬流仰鏡四海蒙休恭惟某官河華地靈并奎  
天府富胸中之學術經筭推弘枯心上之經綸智囊  
矢正瑣闥糾繩之氣勁藩垣屏翰之功高清切備儀  
保釐游陟由貳樞而佐計勲揚日月之旂歷少宰而  
司空聲重星辰之履幾年綠野已儲台鼎之瞻頃歲  
丹書爰付紀綱之任行無回避凜威望於馬嚴性不  
吐茹篤公忠于熊遠風生臺閣奸回失箸以自驚霜  
肅闕廷忠義彈冠而相慶猶謂中丞察縉紳之黜陟  
固貴正繩而大臣關社稷之安危尤先補袞累借推  
副之白簡用陳納約于紫垣行見回天已歡動地某

粉榆後進樗櫟散材登龍之志未酬作蠹之身幾誤  
爰捐筆硯薄試簿書一歲馳驅課績敢云可也萬分  
撫字程勞庶幾近之積土為山謬冀興雲于後起樓  
近水殊欣得月之先久殷公有千寸丹聊布私衷于  
尺素龍門仰誼敢叙援孔李之家烏府疏恩願指引  
龔黃之路得蒙涵鑒曷任寵榮

賀張中丞擢坐院啓

明湯日昭

玉帳牙旌日播雄風於重鎮金鑿芝檢旋瞻華蓋於  
天樞穹簡方新興情共載慶貽宗社歡洽寰區恭惟  
某官兩浙淪精三吳孕淑握畷山於掌上並峙太恒



吞鏡湖於胸中遡源洙泗圭組駿望鍾鼎鴻休鴈塔  
聯輝甲第休誇二宋鳳毛奕世文章謾說三蘇樹直  
指於朝端布華聲於宇內秉旄藩臬開府虔衡千里  
遍桑麻雲度襦袴之曉萬家連燈火月籠絃誦之音  
皞皞至治無私熙熙太平有象仙霖液潤江以西彭  
蠡澄波瑞日輝融閩以南武夷增色晉膺天憲獨握  
風裁地連紫禁之中蓬萊雲呈五采公在丹青以北  
縣寓日效三靈趨虎拜以揚休覲龍顏而有喜凡屬  
簪紳之末均懷欣忭之私某等叨備藩臬夙瞻風紀  
遙想霓旌於嶺嶠快覩鸞遷更看鳳翥於雲霄可  
雀躍肅陳下悃聊表賀私伏願勲勤旂常位崇會斗  
桴擎天之一柱玉燭時調任負海之六螯金甌永固  
翊贊皇圖於萬曆昭垂相業於千年

賀耿楚侗擢副院啓

明王世懋

位重西樞藻火榮輝於象服班聯北極羽儀光映乎  
螭頭翹首五雲馳神萬里可勝瞻仰莫罄揄揚恭惟  
某官三朝宿學一代宗工掇巍魁于丙辰之春麟經  
獨步兼文衡于荀箴之服鳳翥高騰累陟清階光臨  
闡壤丰采明三千組練草木知兵精神壯百二金湯  
山川增色未斯年而奏績亘千載以頌功顧綉斧方



新化誨淪濡於海甸乃白雲鏟彩秋風淡蕩於湖湘  
以憂讀禮里閭養高桑梓東山戀謝傳蒼生引領何  
殷洛社起溫公丹詔臨軒載道翊清天憲雅握風裁  
蕭朝野之具瞻聳臣工之觀聽諒遺直更踰安世清  
班暫列於兩丞知偉度有如九齡峻秩豈隆於三獨  
上台接踵萬國傾心凡屬冠紳莫不景仰如某者驚  
駘賤品向承伯樂之垂青瓦礫微資久荷風胡之俯  
鑑鱣堂千里夢無地趨蹌鳳闕一心懸有天怙冒肅  
將燕賀聊賁魚箋伏願簡注殊恩崇禧益迓澄清海  
內忠良指日以彈冠表樹朝中會墨聞風而解綬八

表迴淳龐之俗四方成熙皞之休仰冀斗垣俯垂未  
造

代賀趙大理卿轉都察院僉堂啓

明李朴

鑑衡不爽法星轉而天下春鎖鑰時懸嚴霜飛而吏  
治肅天憲並操于獨坐太微正耀于神京恭惟某官  
懿文華國名高萬選青錢正色立朝聲重千秋金鑑  
普仁恩于鞭笞之下再噓氣縉于寒灰含陽明于風  
雪之中倏回生意于枯骨既負蒼生之望能無朱紱  
之榮綸綍時頒耳目獨寄蓋浮靡之習趨若江河而



貪墨之風寢成痼癖自非肅綱陳紀一人為各道之  
倡焉望激濁揚清一時洗四方之陋此主上特簡之  
意知台臺中立之操行看讜論回天千百人小廉大  
法精誠俗日億萬里霽月光風某情辱葭草詎同桑  
梓幸老成之在位敢不拜手以颺言慶樞筦之得人  
能無傾心而稱頌聊緘蕪陋代薦葵寅

賀林都院啓

明陳用賓

渙寵九天升華兩地瞻龍光之密邇舉燕賀之微忱  
恭惟某官開誠布公忠君愛國蚤利見於飛龍燁燁  
聲價遂振華於造賢憲七勲猷薦紳拱手而歛服冕  
旒注意以惟深屹自紫垣峻躋烏府華夷素霑惠德  
草木稔習威名懋建旂常允銘鍾鼎某里中榆翼官  
際鳩鳴既喜王陽之登敢後貢公之慶敬陳尺牘聊  
達丹誠寅具篚筐伏祈麾頓

賀趙中丞啓

明林世吉

氷鑑高懸方倚紆謨於四省金泥寵錫復資總憲於  
烏臺蓋清時上專席之班故聖主庸邁種之德慶貽  
宗社歡洽神人恭惟某官列緯儲精兩儀毓秀統承  
千聖經術溯洙泗之淵源敷歷三朝節槩並泰衡之  
嶽薛布華聲于夷夏聳清望于巖廊惟名德之欽承



實帝衷之簡在眷茲峻秩復賁新綸晉登三獨之司  
用作百僚之式振羽儀于殿陛肅法紀於朝廷獨侍  
麒麟毋貢皂囊而獻替高峩獬豸時持白簡以糾彈  
凜然臺閣生風惜爾豺狼屏氣凡叨輝蔭俱竊光榮  
某世沐雲津夙聆風裁覩芝函之煥彩庸雀躍以騰  
歡望栢府以馳神托兔毫而作頌公願長為柱石早  
和鹽梅表萬方台星與法星並耀澄清四海德澤同  
天澤旁流

賀總督初任

代賀吳尚書啓

勳遠督府可用

宋方岳

伏審峻躋武部肇建戎旃制閩號小朝廷密拱玉畿  
之近政職曰大司馬用提軍律之嚴恭惟某官權則  
知變經則知常故處之於上下流之間殆不啻於左  
右手之視蓋自古豈無於外患而當今尤務於內寧  
乃瞻爪牙之臣實膺腹背之寄統六師以平邦國豈  
但攘夷潤九里而及京師莫先尊主乃開大閩以鎮  
近畿式遘竹帛之輝入覲宸旒之邃某手足何異唇  
齒相依念有德進而朝廷愈尊常恐追鋒之召今真



如傳類正 卷四十一  
儒用而天下無敵願聞解甲之期宏濟多難厥在茲  
舉

賀陳相兼宣撫啓

宋熊克

神旌北指方進取於中原天仗東旋獨仰成於上宰  
董數路飛翰之旅慰兩河塗炭之民朝野歡呼華夷  
震疊竊以充臣崇都督之任謝文靖總衆遂捷淮淝  
冢宰抗宣撫之權韓獻肅臨邊果屈靈夏曠古今而  
一遇邈前後以相望昨屬羌胡輒渝盟誓騎塹旣蒙  
於淮甸邊烽亦警於漢塞獨犯歲星之所臨咸料佛  
狸之必死獯狁孔熾用煩大駕以咨臨徐方不回歸

留上台而經畧肆揚大冊兼昇重權蓋漢將多才賴  
陳平之盡護而蔡人新服資裴度之來宜恭惟某官  
大業格天遠猷經世胸蟠萬卷聊試出其緒餘掌玩  
四夷率皆得其要領時方無虞則禪贊廟謨而存持  
正之體世或有警則措畫邊瑣而高應變之才惟天  
闕於成功宜帝資於良弼北隨清蹕往視連營借前  
箸於張良屢次幄中之勝示輿圖之鄧郁時分麾下  
之軍方將施發縱指示之謀布還定安集之政豈特  
使河南之復庶幾令漠北之空旣咨方叔有元老之  
壯猷誰謂匈奴爲中國之堅敵其夙陶埭北逖蔭燧



煌靜觀形勢之張仰羨規摹之壯猥縻使傳阻造軍門相同德而迄天誅即致干戈之戢奏膚功而定王國仍觀袞繡之歸

賀王制臺啓

明

栢臺憲長近典五兵樞府元戎親提三帥寄九重之耳目爲一人之爪牙光燭台垣風生禁衛恭惟某官表儀群宰砥柱衆流雅望谷虛吞雲夢而八九弘裁嶽立登泰華以三千整紵闡外節旄宜預師中籌畫豸冠烏府忽崇獨坐之班魚鑰虎符旋統干城之任惟真儒無敵天下乃聖主制勝朝廷千群萬旅無譁

何慮鞭笞乎四國兩社三台屬望行當冠冕乎諸侯某字下八年行間萬里操持銖兩悉由大冶鑪錘戰守機宜全屬壯猷指顧爰際鶯遷之會式懷燕賀之私雖藉尺書豈申寸悃遙瞻本兵輿衛金鉦黃鉞載揚鷺羽以前驅佇看上相權衡袞衣綉裳猶自鴻樞而發軔祇欣抃蹈不盡敷宣

賀魏大司馬總督啓

三邊

明馬朴

恭聞光膺綸綍總制闡戎賜環遠下東山人望起一時之柱石授鉞即臨西土軍聲壯四鎮之干城社稷攸寧海宇胥慶竊惟黠虜爲君父憂二三載宵衣而



軒食實由重臣誤國家事十數年護疾而養癰始恃  
款而盡撤其防及解盟而莫爲之備迫夫燃眉已急  
則不恤捐中國之大體溫詞厚賂以結和卽或息肩  
可圖亦尚博制外夷之虛名罔上偷安而諱戰使賊  
之驕心愈肆駐久不歸致我以奔命益疲憂深叵測  
徒焦大內莫靖遐邊非得不二心之臣才兼文武孰  
能受一面之寄功懋安攘惟此時然非異人任雲中  
守不能用何憂匈奴天下事尚可爲今在君實恭惟  
某官三朝名碩一代老成嶽峙風標萬仞巖岷而獨  
立淵泓經濟十頃浩浩以惟量龍臥比南陽人欽抱

膝麟圖懸北斗帝眷司喉茲思區脫之舞千爰望涇  
河而推轂委將軍闡以外鋒鏘雅屬鞞鈴付召公陝  
以西河山悉歸保障宸章渙號求師中之丈人達論  
同聲得天下之大老公亦未爲不遇衆皆欲疾其驅  
蓋與我處猷畝之中樂堯舜而自適其如上念封疆  
之內思頗牧以獨勞席已久虛駕當不俟逆睹軍中  
鼓舞喜是真郭令公之來定知塞外驚傳懼非大范  
老子之比驅彼犬羊輩直折筆以管之保吾鴻鴈民  
當安枕而卧矣會見烽塵之清塞還看袞繡之入朝  
某誼忝通家情深爲國桑梓恭敬願奔走而爲氓槐



棘尊巖冀調和以致主其為歡忭罔既敷宣

賀朱制臺啓

明喻世卿

天陞函綸推轂元戎雄節制星門仗鉞分符名鎮壯  
干城歡動三軍和薰萬竈恭惟某官擎天一柱橫水  
孤舟諤諤縉紳之楷模堂堂國家之棟石卿雲呈瑞  
載史筆於螭頭紅藥翻階代王言於鳳閣爰從左掖  
出擁中權祭戟周廬壯七萃八屯之衛雕戈錫盾顯  
五侯九伯之征將才卓絕漢廷左袒賴陳平而安堵  
軍功度越唐室上蔡望裴相以倒戈雉堞相高守鑰  
一方閑夜月舟車共會折衝萬里靖邊烽亟下庚牌

奠安丙枕暫來細柳佇召長楊其渺然書生藁爾令  
僕桐花欲蝕凜秋霜之劍芒鐵硯已穿淬毛錐之筆  
陣逖瞻幕府願曳賓裾向托庇于幘幪茲馳忱於履  
舄聽劉琨勸進之表賡唐人皇武之詩

賀張總督鎮遼啓

明馮琦

帝眷元樞國資上畧自天子所出宣南仲之威以我  
公歸入領北軍之重有常立武無競維人恭惟某官  
德惟國基器為時棟九塞共傳其風采四夷盡憚乎  
威稜瑣闥青蒲獻納夙深雨露轅門赤羽指揮如走  
風霆北鎮薊門東清遼海鯨鯢之波立偃貔虎之甲



常閑周索兼戎索以相縻軍容與國容而並肅兵無  
遺鏃野不鳴桴中國之氣常伸元老之猷可覩方書  
庸于上考卽晉秩于中樞帝將決戰於邊陲公宜運  
籌於帷幄時方多事國合有人念祖宗設禁旅之屯  
蓋云居重肆國家無邊烽之警漸已偷安遂使羽林  
飲飛之儔幾回灞上棘門之戲乃於本根之地特簡  
鎖鑰之臣以圻父之崇班當長子之重任暢宣武節  
峻列文昌非但付以爪牙亦且以為心膂使我稱于  
比戈之士歡若投醪則彼彎弓牧馬之胡驚將落膽  
行可定萬世之業非徒折干甲之衝其辱以通家比  
于宸宇茲值機庭之命益隆巖石之瞻燕雀一枝夙  
藉堂簾之蔭鱗魴九罟欣看衣繡之求敢介不腆之  
儀用伸未將之敬卽當歡覲未既敷陳

賀梅衡湘制臺啓

明萬世德

雲疆分閫重倚元臣霜節陞班肇開督府弁州竹馬  
已驚欣父之威儀江漢長城猶是羊公之德澤縉紳  
色動瓊毳聲馳恭惟某官詩禮名儒閱閱巨擘繡衣  
霄漢已仗策而討元兇油幕星霜幾持籌而定大虜  
豈云安疆場允矣重朝廷一時資緩急之才四海倚  
廓清之畧獨折悠悠之群議益敷蕩蕩之弘猷緩帶



輕裘三十年誰堅定策銷烽卧鼓數千金今運訐謨  
方拊循四境而建碧幢忽總督諸軍而假黃鉞元戎  
十乘坐看北虜之來威司馬五兵行入西樞而執柄  
某夙叨莫逆中奉周旋泊抱關擊柝之有年而推轂  
化鑪之屢至戈船下瀨尚分裨海之精神茅屋窮簷  
益展沿邊之經畫上奉齋壇而謀帥公承厲節以臨  
戎方屬軍國之遠圖敢附門墻之私賀知勿忘其疇  
昔輒少罄夫消埃作爾玄黃欣然竹帛以斯勒楮奚  
啻磨崖

賀顧充菴陞巡撫落遼東明馬大壯

渙發綸函不重折衝之寄晉陞制闈於昭簡在之公  
北門之鎖鑰益高萬里之金湯彌壯九邊生色七萃  
騰歡恭惟某官紹孔孟之正傳負孫吳之奇抱粵自  
受官於六職業已窺豹之一斑時出緒餘數宏底定  
嶺東郡北兩觀安攘之勲浙西滇南載見威強之績  
此惟居平不為紙上之學以故倉卒輒吐胸中之奇  
有用全才無施不可公望久孚於輿論獨知素結於  
宸襟遂自臬司峻登總憲朱幡肅駕鼓角為之精明  
画戟儼臨山川至於翔舞盖詞掖下綵綸之制將太  
常兼鍾鼎之銘某朋友同倫兄弟異姓素聽班荆之





雅論未嘗不曰古名賢莫能過之驟聞開府之榮除  
又竊自謂今使相無出右者命將帥以衛國行觀折  
箠之功修政事以攘夷言念借壽之畧敢因慶幅往  
贊壯猷瞻斗之私與江俱永

賀葉軍門啓 三邊

明聶桂芳

恭惟元老運壯猷異捷既騰于境外大君嘉丕績殊  
榮遂錫于師中秩視舊以增崇兼進詔功之祿服更  
新而特耀備膺命德之章邇遯競傳旄倪胥忭矧荷  
洪慈素渥曷勝狂喜私忱第身絆課程難赴和門以  
展賀聊手披箋狀冒攀記府而申陳凡附獻之區區

皆積懷之懇懇尚冀旃裘款塞鞅平戎而等格廟之  
勲佇觀袞繡還朝允出將以完入相之業

賀董督府上固原任啓 三邊 明

龍章遠賁寵分闔外之權虎帳新臨道得師中之吉  
共齋心而削牘遙拜手以承筐恭惟某官淑氣鴻鈞  
德輝鳳覽三朝歷事所至有聲四國于蕃無施不可  
地望召公等埒分陝以西風猷華嶽魏義惟天在上  
允文允武蓋吉甫獨秉其全曰狄曰戎非南仲誰當  
其事播絲綸而褒美授鈇鉞以專征畋獵誇胡陋墨  
客長楊之賦壁門衛士屯將軍細柳之營四夷素警



威名豎降旗而穹廬遠徙千里坐收勝算垂綏帶而  
鈴閣時閒敦禮樂悅詩書真折衝於尊俎戢干戈橐  
弓矢行敷德於綏荒五夜落旄頭揚青海城邊之月  
三農銷金甲回黃沙積裹之春其等碌碌無能自昔  
備籠中馬渤欣欣相告從今靜塞上狼煙有萬里長  
城當為聖天子稱賀無四郊多壘幸免卿大夫之羞  
醜酒椎牛獻轅門而作犒樓梁乳燕感夏屋以難名  
賀顧中丞總制三邊啓 明馬 朴  
保釐西土崇勲久茂于旂常節制北門新命益隆于  
鎖鑰當九鎮安危之際賢一時夢卜之情聲播華夷

慶流宗社恭惟某官周家元老唐室令公學蘊古今  
檀科名而不媿才兼文武投難大以咸宜屏翰价藩  
紀綱專席麟符虎節控四塞之神臯豹畧龍韜晉貳  
樞之峻秩按六條而肅治將吏承風屈群策以壯猷  
兵農覆露祛負嶠之虎三秦艱碗立安拊集澤之鴻  
八水凋夷頓起蓋五年如一日畏愛咸孚故三命錫  
九天寵恩斯渥到處揚旌瀚海雄開萬里之金湯從  
今偃甲賀蘭永固三邊之保障寧憂蛇豕佇回麒麟  
某叨芘滕屢忝通李藉快觀榮除之日聊攄慶贊之  
情所祈款塞寧邊以攘外而鞏安內之業還朝秉軸



移出將而建入相之勲不既下懷伏惟崇鑒

賀梅督府啓

宣大

明王家屏

節鉞寵兼震風霆其倍肅旂常昭揭耀日月以增輝  
光賁山河慶延社稷門下天挺人豪嶽鍾雋傑左宜  
右有才授萬變而不窮大受小知用効一隅而未盡  
動高雲朔經營具賴其謀猷忠契宸闈倚任有加於  
眩股乃眷北顧曰予禦侮之臣遂授左符畀公總師  
之任五侯九伯顓征特假以戎麾六郡三河都護式  
資於帥屏升華上宰瞻衮烏以維新渙號中權幸旌  
麾之孔邇敬專小价叩布未綜依戴殊殷敷陳罔既

賀王雲衢總督啓

薊遼

明唐文燦

青冥授鉞於昭握算之長烏府通班益峻使名之大  
先聲早振乎冀北久矣折佛狸窺江之萌公望增重  
於遼陽隱然有虎豹在山之勢五兵傳而生色四貊  
聞之寒心丕挾國華屹為時棟恭惟某官氣稟河汾  
之間值道續龍門之正傳博大淵深高明肅括方其  
對揚乎天問固已窺見其一斑迨夫揚厲於雲程直  
上扶搖而萬里材猷駿發皆胸中有用之文章謀斷  
鴻施建海內無前之事業衆胥悅矣今使相孰能過  
之帝曰都哉古名臣無出右者乃睠薊遼之重適嚴



鎖鑰之司俾盡護于列營諒聳聞於遐裔蠢彼小醜  
爾行且折箠而笞如吾邊境何真可傳檄而定某屬  
聞綸綍如拜麾旄方千里曰王畿正倚撫循之畧統  
六師平邦國載觀折衝之威粵若翹瞻冀殫欣頌

賀邢大司馬總督啓 川貴

明萬世恩

三台光耀金甌方簡注五佐之尊九伐風行玉鉞暫  
借重大藩之寄仰鴻猷而馳思謹燕喜以將誠恭惟  
某官端凝雅度康濟長才矢心為國為民夙夜恪修  
紀律措謀允文允武歲時綏定封疆一德孚契於紫  
宸六師簡閱乎白下鎮龍蟠虎踞江南草木方震疊

乎軍聲乃豕突狼奔鬼國罔烝黎更勤勞乎聖慮用是  
借伏波之元老運諸葛之神謀佇烏蒙蠻部雲端日  
麗層林猩穴洞箐雨後煙銷疊嶽不佞仰循孔轍守  
畫一之盛規幸免遽非享三雲之暇豫素聞西賊敢  
生心乎更喜南人不復反矣謹馳片牘於前茅兼貢  
寸絲於下走惟冀堯存曷勝榮藉

賀吳少司寇總督啓 兩廣

明耿定力

玉斧登壇獨握折衝之寄金臺錫命志隆專閫之權  
必命世之奇才當遐取之鉅鎮定寧域外戢懷寰中  
恭惟某官累朝元老昭代名公開府蒼梧惠露灑二



天之渥班聯紫禁雄風飄萬里之遙貳八座秋卿實  
允矣臯陶荷一人天眷曰欽哉方叔特賜兼官載臨  
百粵有君子矣玄黃筐篚想風采而彈冠其小人乎  
簞食壺漿望星標而倒屣曩時盡沾德化今日復見  
我公衣冠文物增輝岩谷江山滌麗鴻弧驚草色漸  
消海岳之黃巾吠犬睡花陰行散萑苻之白跖共喜  
太平有象誰云致治無形如某鰕生幸叨蔭庇臨承  
大雅復辱優容竊一役於名邦先沾雨露拜百朋於  
邊使兼觀雲霞未效涓埃徒增銘刻敢肅將乎尺素  
柳用表夫寸心

賀撫臺到任啓

明徐 榛

制府持衡駿命寄江河之重樞垣運畫鴻名延宇宙  
之光借疆理於東南安危允賴輓芻糧于西北軍國  
攸資德澤旁流外闡仰藩宣之績聲華鼎重中原服  
衡鑑之精家禮樂戶詩書造乾入鑪錘之內正紀綱  
揚風化經綸在指顧之間膏潤江淮遙覩爲霖霄漢  
勳齊泰岳旋看曳履星辰宗社綿延生靈胥慶某昔  
膺守牧積款震地洪聲茲忝臬垣快覩如天偉烈敬  
裁尺牘度布丹衷伏冀憲度優容莫罄鄙私欣戢

賀吳制府啓 兩廣

明宗 臣



魏闕綵綸寄風霜於重地轅門旌旆開日月於遐天  
 虞構八蠻歡騰二粵恭惟某官斗山碩德文武兼猷  
 邁迹八閩作拜家之良翰馳聲萬里繫海宇之長城  
 曰滇南曰汴北民與來暮之歌若江左若粵西碑紀  
 去思之績司文衡於兩省群才成濟濟之風敷治化  
 於一方萬姓樂優優之政再居宥密遂總樞機以三  
 朝數歷之舊臣膺五位眷知之新命保釐百粵節制  
 二藩貫三監之崇階代一人以貞憲先聲動乎山嶽  
 九重紆綠林之憂威命等之雷霆五嶺息黃茅之瘴  
 東聯十郡尚逾伏波樹柱之鄉西盡諸州奚翅襄毅  
 斷藤之峽權專玉節百職之劬範攸存名重金甌三  
 台之贊調在望某學愧百堵才慚肺石叨微名於上  
 國竊寸祿於太倉嶺海奔趨三載之勤勞奚補郡庭  
 贊助一官之尸素安辭仰節鉞之遙臨喜扮榆之藉  
 庇顧迹羈於外莫申燕賀之私而誠積於中深切龍  
 光之望敢僭踰而布悃謹薰沐以陳詞覩鈴閣於雲  
 霄稽躬竦息想台閔於左右拜首趨勤惟垂岩電之  
 光曷已漢波之潤

賀肅念渠制府啓

兩廣

明于慎行

滇黔重地各借特麾荆楚上游方榮秉鉞復荷九重



之命特兼兩粵之權少司馬之兵符威行六管中執  
法之憲節風偃百蠻監銅柱於天隅服雕題於月窟  
海波罷警佇成麟閣之勳斗柄回杓行正鸞臺之位

賀陳總制啓

明陳文燭

節鉞凝霜千里之嵐氛汛掃冠裳耀日百僚之憲度  
重新一賢秉鈞多士拭目恭惟某官直方而大智勇  
且仁人文獨秀早符麟趾之祥科甲聯芳夙負鰲頭  
之望勒馬作薛收之檄名震黃扉批鱗封陸贄之章  
風生白簡禁中頗牧九重高翊贊之勳擅上唐虞四  
國仰藩宣之績茲由內部爰陟外封樽俎折衝疆鄙

乏犬羊之擾鄰斯申畫介胄無幾蟲之生立武事以  
有常顯真儒之無敵邇人安遠人至憂民正急于憂  
邊大臣法小臣廉正已不難于正物不遐有佐無競  
維人其學既拙踈運猶蹇剝昔周旋淮水之間竊欲  
學屠龍之技今疲敝益州之後良難見流馬之功欣  
聞黃麻之六經合入繡衣之九戩燕雀賀厦捲簾必  
念其差池蟋蟀鳴秋瑾戶願徐于穹室特勤斗仰無  
任永兢

代賀戴制臺啓

兩廣

明連繼芳

三江浪靜召虎功著淮南九伐名高司馬班聯斗北



鑠歌匝地縛命目天恭惟某官百城鈇鉞八極礎磐  
雷震三春破二三日栗烈之凍雨其九夏解十九君  
蘊隆之崇黃石丘符靜捲天山之霧白猿劍術消空  
萬竈之烟丹浦剪元兇重光舜野青丘除頑梗再闢  
堯山護閩楚猶泰山之四維蔽東西為長城者千里  
既敵王愾斯簡帝心木鳳飛來雲外新銜玉佩山龍  
寵賁日邊增重牙旗主蘭臺楷模入座右栢院屏翰  
雙藩 莊敏平陝西尋上國策明文烈定河北遂參  
政機引領欲馳傾心來賀

賀李大中丞鎮江淮啓

明謝廷讚

閣下水鏡提衡四時之氣已備賤子龍門得御一月  
之春坐忘正爾燕喜趨陪忽覩鸞遷飛舉旌節賁臨  
豐鎬坐三獨而建牙軒車徑轉淮壩屯七萃而警蹕  
澄江南北有悍猾之餘氛銜尾舟車實要害之都會  
恭惟某官文昌武庫為憲之吉甫更生玉鉉金相象  
甲之希文再出屬沸鼎驛騷之會正錯節盤根之時  
調停會出神攄游刃知有餘地不肖樛櫟褊才時命  
大謬喙三尺而附贅誰采葑菲之謀心徑寸以長傾  
未蒙若木之照獨閣下垂孫陽之一顧發雷煥之雙  
鐔恩重二天交忘一賤綢繆温渥之意提撕涼德之




人忝谷雖寒得煖律而春轉鉛刀縱鈍逢砥石而銛  
回

賀張兩廣啓

明楊 鎮代

榮戟宣威直搗蠻夷之穴台垣推位近依雲漢之墟  
戡革聽尚書之聲標銅紀天子之績騰歡兩地奏捷  
九重恭惟某官日月鍊形川陵幹氣手提乾綱坤軸  
鍾百二之河山胸鑿武緯文經吞八九之雲夢范孟  
博故懷天下之志激於濁而澄於清周方叔克壯大  
邦之猷執其訊而獲其醜遂使長江恬浪廣野開氛  
是故鳳凰翔而梧桐自生共仰覽輝之瑞虎豹藏而

燕雀不剪誰知比德之功入告我后而矢一心行將  
補袞望隔遙天以稽九首走願執鞭其幸借壁光得  
沾河潤不能者止讀周任就列之言於拙用多感潘  
岳閒居之賦在堂有華顛之雙白義合陳情懸闕抱  
涓滴之才丹忠當盡命欲奉毛公之檄恐孤楚子之  
言故未能供職於一方所猶急翹恩於千里者出吐  
馳箋以揚賀祈舒莞而鑒誠倘得藉其烏私敢不圖  
於雀報遠披委曲俯賜慈憐



文房類稿

二十六



